




Broj:
Sarajevo, 06. 01. 2025.



PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajućeg, g-dina Denisa Zvizdića

Organizaciona jedinica	Klasifikaciona oznaka	Redni broj	Broj priloga
01,02	50-M-19-124	06-01-2025	5

PREDMET: Dostavljanje pitanja Vijeću ministara Bosne i Hercegovine za 1. posebnu zajedničku sjednicu oba doma Parlamentarne skupštine Bosne i Hercegovine

U skladu sa članom 172. stav(3) Poslovnika Predstavničkog doma Parlamentarne skupštine BiH („Službeni glasnik BiH“ br. 79/14, 81/15, 97/15, 78/19, 26/20, 53/22, 59/23, 87/23 i 50/24) dostavljam sljedeće poslaničko pitanje predsjedavajućoj Vijeća ministara Bosne i Hercegovine za 1. posebnu zajedničku sjednicu oba doma Parlamentarne skupštine BiH o temi: „Poslanici/delegati pitaju – Vijeće ministara odgovara“, koja će se održati u srijedu, 22. 01. 2025. godine.

Prije nego postavim pitanje, želim Vas podsjetiti na pitanje koje sam Vam postavio u januaru 2023. godine, a koje se odnosilo na sigurnosne provjere pojedinih ministara. Tadašnje pitanje je glasilo:

Da li je prije imenovanja Vijeća ministara BiH, a u skladu sa Zakonom o Vijeću ministara BiH i Zakonom o zaštiti tajnih podataka BiH, tražena od OSA-e sigurnosna provjera za one kandidate, sada već ministre, koji po navedenim zakonima MORAJU prije stupanja na dužnost proći takvu provjeru kako bi mogli dobiti sigurnosnu dozvolu za stepen „tajno“ i „vrlo tajno“?

Ovo se pitanje posebno odnosi na ministra sigurnosti koji, kao državni sigurnosni organ, takvu dozvolu nužno mora imati, ne samo po prirodi svog posla, (uostalom kao i ministra odbrane – radi stalnog doticaja sa unutrašnjim i međunarodnim tajnim ili zaštićenim podacima) već i zarad činjenice da on čak, između ostalog, i potpisuje takve dozvole drugima u sigurnosnom sektoru, kojima su one po opisu posla nužne kao uslov za određeno radno mjesto.

Tada ste mi odgovorili da po Zakonu o zaštiti tajnih podataka BiH pristup tajnim podacima stepena „interno“ i „povjerljivo“, a bez sigurnosne provjere imaju i ministri u Vijeću ministara BiH.

Pitanje za današnju sjednicu glasi:

Iako sam vam tada rekao da stepen „interno“ i povjerljivo“ nije bilo moje pitanje, već upitnost sigurnosne provjere, te eventualno izdavanje sigurnosne dozvole za pristup

tajnim podacima stepena „tajno“ i „vrlo tajno“, na što nikada nisam dobio direktan odgovor, moraćemo ponoviti gradivo.

Uvažena predsjedateljice Vijeća ministara BiH, da li je ikada zatražena i urađena sigurnosna provjera za ministra sigurnosti, Nenada Nešića, koja bi rezultirala dobijanjem sigurnosne dozvole za pristup tajnim podacima stepena „tajno“ i „vrlo tajno“; Ako nije, zašto već dvije godine nakon imenovanja niste to tražili; Ako ste tražili, da li je ministar sigurnosti dobio dozvolu ili nije; Ako jeste, ko mu je tu dozvolu izdao i potpisao?

S poštovanjem,

PODNOŠILAC


/Milan Dunović, poslanik/